

SAMOA

Faatulagaina o Aiaiga

- | | |
|--------------------------------|-----------------------|
| 1. Igoa puupuu ma le amataga | 4. Faamatuu atu ma le |
| 2. Faamatuu atu ma le | Faatatauina o le |
| Faatatauina o le \$478,223,687 | \$14,346,711 mai le |
| mai le Faaputugatupe a le | Faaputugatupe a le |
| Matagaluega o Tupe | Matagaluega o Tupe |
| 3. Faamatuu atu ma le | Faamatalaga |
| Faatatauina o le \$479,798 mai | |
| le Teugatupe a le Tausi | |
| Mavaega | |

2015, Nu. 22

O SE TULAFONO e faatagaina ai le faatatauina o nisi o aofaiga o tupe mai le Faaputugatupe a le Matagaluega o Tupe ma le Teugatupe a le Tausi Mavaega ma lona faaaogāina faapitoa i galuega faatino ma galuega faatino laiti e tuuina atu e Matagaluega, galuega faatino e tuuina atu e isi vaega ma galuega ua faia e avea ai ma sui o le Malo mo le Tausaga Faaletupe faaiuina i le aso 30 Iuni 2016.

[02 Iulai 2015]

UA FAIA e le Fono Aoao Faitulafono a Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua leni Tulafono o le Tulafono o le Faatatauina o Tupe 2015/2016.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Faamatuu atu ma le Faatatauina o le \$478,223,687 mai le Faaputugatupe a le Matagaluega o Tupe-(1) E mafai ona tuuina atu mai le Faaputugatupe a le Matagaluega o Tupe ma faaaogāina i galuega faatino po o galuega faatino laiti e tuuina atu e Matagaluega taitasi po o galuega faatino e tuuina atu e isi vaega, po o mo galuega e avea ai ma sui o le Malo mo le Tausaga Faaletupe 2015/2016 ni aofaiga o tupe e lē sili atu i le aofaiga e **\$478,223,687**.

(2) O aofaiga o tupe ua faatagaina e faaaogā i lalo o le faafuuiupu (1) ua faatatauina eseese mo galuega faatino ma galuega faatino laiti e tuuina atu e Matagaluega, galuega faatino e tuuina atu e isi vaega po o galuega e avea ai ma sui o le Malo, e pei ona faamaoti mai i totonu o le Faamatalaga.

3. Faamatuu atu ma le Faatatauina o le \$479,798 mai le Teugatupe a le Tausi Mavaega-(1) E mafai ona tuuina atu mai le Teugatupe a le Tausi Mavaega (teuina i le Faaletupe ANZ Samoa Ltd) ma faaaogā i galuega faatino ma galuega faatino laiti, totogi o tagata faigaluega ma isi tupe totogi atu, tau faaee atu ma tupe alu faatupulaia faaletulafono po o e totogiina atu mo le faafoeina o le Ofisa Tausi Mavaega mo le Tausaga Faaletupe 2015/2016 ni aofaiga o tupe e lē sili atu i le aofaiga e **\$479,798**.

(2) O aofaiga o tupe ua faatagaina e faaaogā i lalo o le faafuuiupu (1) ua faatatauina mo le faaaogāina e le Ofisa Tausi Mavaega.

4. Faamatuu atu ma le Faatatauina o le \$14,346,711 mai le Faaputugatupe a le Matagaluega o Tupe-(1) E mafai ona tuuina atu mai le Faaputugatupe a le Matagaluega o Tupe ma faaaogā i Tupe Faaalu e Le i Fuafuaina mo le Tausaga Faaletupe 2015/2016 ni aofaiga o tupe e lē sili atu i le aofaiga e **\$14,346,711**.

(2) O aofaiga o tupe ua faatagaina e faaaogā i lalo o le faafuuiupu (1) ua faatatauina mo Tupe Faaalu e Le i Fuafuaina.

**O le Tulafono o le Faatatauina o Tupe 2015/2016
o lo o faafoeina e le Matagaluega o Tupe.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**